

Gwaith yn dechrau ar estyniad



Dechreuodd gwaith ar estyniad newydd sylweddol i Ysgol Bro Gwaun yn Abergwaun.

Bydd y datblygiad £12.9 miliwn yn cynnwys amgylchedd dysgu ac addysgu arloesol yr 21^{ain} Ganrif, Canolfan Adnoddau Dysgu, cyfleusterau cymunedol newydd ac uned atodol i Ysgol Portfield yn Hwlfordd.

Caiff y prosiect, sy'n ffurfio rhan o raglen Ysgolion yr 21^{ain} Ganrif yr Awdurdod, ei ariannu ar y cyd rhwng Cyngor Sir Penfro a Llywodraeth Cymru ac mae disgwyl ei gwblhau ym mis Hydref 2017.

Prif gontractwyr yr adeiladu yw BAM Construction gyda Mott MacDonald yn darparu gwasanaethau rheoli'r prosiect a chostau.

"Mae hwn yn ddiwrnod cyffrous i ddisgyblion a chymuned Abergwaun, Wdig a'r cylch," meddai'r Cynghorydd David Lloyd, yr Aelod Cabinet dros Addysg.

"Bydd y cyfleuster newydd hwn yn rhoi amgylchedd ysbrydoledig i ddisgyblion yr ysgol heddiw ac yfory ddysgu ynddo ac rwy'n sicr y bydd y gymuned yn elwa arno hefyd."

Rhannwyd sylwadau'r Cynghorydd Lloyd gan Mrs Nerys Nicholas, y pennaeth, sy'n credu y gall yr adeilad fod yn gymhelliad i'r myfyrwyr.

"Mae'n anhygoel meddwl y bydd gennym adeilad newydd yma ymhen blwyddyn yn addysgu oedolion yfory. Mae'n amser cyffrous i'r ysgol ac rwy'n sicr y bydd y disgyblion yn awyddus i archwilio'r estyniad pan gaiff ei agor o'r diwedd yr hydref nesaf.

"Bydd yn dangos bod modd cyflawni llawer mewn byr amser gyda gwaith caled a chynllunio da ac mae hynny'n ysbrydoliaeth i bawb."

Geiriad

Yn y llun ochr yn ochr â disgyblion Blwyddyn 7 yn Ysgol Bro Gwaun mae (o'r chwith i'r dde) Justin Price, Rheolwr Adeiladu prif gontractwyr BAM Construction; Nerys Nicholas, Pennaeth; Mike Mayberry, Maer Tref Abergwaun ac Wdig; y Cynghorydd Myles Pepper, Cynghorydd Sir dros Ogledd-ddwyrain Abergwaun; y Cynghorydd David Lloyd, yr Aelod Cabinet dros Addysg; a'r Cynghorydd Gwilym Price, Cynghorydd Sir dros Wdig.